

Ubutungulushi Bwa kwa Lesa

Abena Roma 8:14, "Pantu bonse abatungululwa ku Mupashi wakwa Lesa, bene bakwa Lesa."

Abena Galatia 5:18, "Awe nga mwatungululwa ku Mupashi, tamuli bena malango."

Mulingile ukusala intungulushi yenu. Saleni ilelo! **Saleni Umweo atemwa imfwa.** Ukusala kwenu kukalangisha icifulo cenu ca muyayaya, ifyo mulesala. Ibukisheni, Yesu atile, "Nkonka." (Marko 10:17-31). Kabili mulelalikwa ilelo ukucite co. **Kabili ukukonka Wene ku Mweo wa Muyayaya mulingile ukwisa pa mafunde Yakwe, Icebo,** te pa cisumino cimo palwa Cena, te tontonkanyo ya cintu bwingi, te pa fintu ifyo umuntu umbi atontonkanyapo pali Cena, lelo pafyo Lesa asosa palwa Cena.

Ibukisheni, Yesu atile, "Nkonka, Nkonka. Fumyenipo ico mukwete, kabili mu Nkonke." Kabili ulya e musango fye weka wakukwatilamo Umweo wa Muyayaya. Ulya e muti fye weka Ena apele uyu umwaume, wali umuti fye weka apele uyu shimakwebo; waba fye umuti weka Ena apela uuli onse. Ukusala Kwawe, Ena alapela amapange Yakwe, yaba ayapwililika cila nshita. **Kabili tulingile ukukonka Wene, e nshila fye yeka yakukwatilamo Umweo wa Muyayaya. E ico ubutungulushi wakwa Lesa waba ukukonka Icebo icashininkishiwa ca ora ku Mupashi wa Mushilo.** [1]

Ifwe tulingile ukukonka cila bushiku, cila ora ya bushiku, cila lutampulo ulwa nshila. Ifwe tulingile ukutungululwa na Shikulu Yesu Kristu. Nga tatulecita, ifwe tulesenda ubumi bwa kabungwe. Kabili ubumi ubo ubushikonka Kristu cila bushiku tawaba uwalinga. [2]

Ilyo mwafyalwa ku Mupashi, **imwe mulesa mukuba icibumbwa cipya** (11 Abena Korinti 5:17), kabili Lesa alatendeka ukubombela na imwe lyena nga abana, **kabili imwe mulatungululwa no Mupahi wa kwa Lesa** (Abena Roma 8:14)[3]

Paulo ali mukulungama umufungwa. Ena talelanda amalyashi ayalubana. **Ena asambilishiwe na Mupashi wa Mushilo ukulolela pa Cebo.** Nomba, ena alisambilishiwe inshila imo (kuli Gamaliel), lelo Lesa alisambilishe wene inshila imbi nomba. **Ena alisambilishe ku Mupashi wa Mushilo ukulolela pali Shikulu** (Esaya 40:31). Te mulandu ifyo amapange yakwe yali.

Nomba, ku bwafwilisho bwa Mupashi wa Mushilo ndi no ku milangisha icintu cimo. Nomba lekeni fye tusende icacitike. Ubushiku bumo Paulo na Sila, ukwisa mu musumba umo uko ena akwete ukupuputulwa, kabili no munono umukashana uwakwete ingulu alitwalilile uku mukonka wene, ukubilikishisha wene. Kabili ukwabula ukutwishika lelo ifyo Paulo aishibe ukutila alikwete ulupaka nga umutmwa ukwebaula ulya umupashi uwabipa ukufuma muli ulyo mwanakashi, lelo bushe mwalimona **ena alilolele akasuba na kasuba mpaka mukupumikisha fye Mupashi wa Mushilo alandile kuli wene.** Ena atile, “Ino e ora.” Lyena atile, “We

mupashi, fuma muli wene.” (*Imilimo ya Batumwa 16:16-18*).

Mwamona, ena aliishibe ukulolela pali Shikulu. Kabili palya e po abengi abantu ilelo baleta umusebanya pa Cebo. Bena balaya kunse na mapange. Ni kunga ukupuputulwa ukwalekeshiwa pa mulandu wa cintu nga cilya, pa mulandu kabila wa mbila nsuma talolela no kumona ifyo Shikulu ali no kusosa!

Lelo Paulo alolele fye ku Mupashi uku mweba ifya kucita. [4]

Namwishiba, mucine tatwishiba fye ifyo Ena ali no kucita, pa mulandu abana bakwa Lesa batungululwa no Mupashi wakwa Lesa (*Abena Galatia 5:25*). **Ifwe tulingile fye ukumona, kabili ibukisheni conse ico Ena asosa kuli ifwe ukucita. Lyena tulacicita.** [5]

Bamo bakapyunga balishile no kunomba ine ukuya ku ncende shabo. **Ndalolela mpaka naumfwo ukutungululwa ukuya.** Kabili lyena nga naisa, ndeishila fye mwi shina lyandi ne mwine (nga naisa nga filya), ukuba fye cibusa wenu. **Lelo ilyo naumfwo ukutungululwa ukwisa, lyena kuti naishila mwi Shina lyakwa Shikulu Yesu.** Ukufumya inkasa shobe muli ilye ndeke, yena ilaba yobe (*Yoshua 1:3*). Amen. Ndasenda cena konse mwi Shina lyakwa Yesu Kristu. Lyena uuli no ku kumanya Wene kunse kulya lyena, **pa mulandu iwe uuli nkombe yakwa Lesa lyena** (*11 Abena Korinti 5:18-20*). Lelo nombamba ilyo ulukuta lumu, mwe fibusa, pano, ifibusa fimo fya mwita imwe, atemwa icintu cimo, imwe muleya fye ukutunganya nakabili. Mwe, ukutunganya. Ndemona mwalinaka ukumfwa kuli cilya. [6]

Iwe ulingile ukukwata ukuputwamo ukutungulula iwe, munyina. Kabili kulyo kuputwamo kwishila fye

ku Mupashi wa Mushilo. Ukutungulwa no Mupashi, abana baume nabana banakashi bakwa Lesa batungululwa na Mupashi wa kwa Lesa, Bena balitemwa Umupashi. Bena tabesha ukusosa. “Nomba, loleni pali miniti. Ulukuta lwandi, bena tabasosa ‘ameni.’ Ulukuta lwandi, bena tabatala baimya amaboko yabo; bena bekala tondolo nganshi.”

[7]

Moneni. Nomba, nga ulyo Mupashi uyo uwabushishe Yesu ukufuma mu nshishi waikala muli imwe (*Abena Roma 8:11*), imwe ulubali lumbi na mukwata Umweo, **ukutungululwa na Mupashi ukuleta ku mweo Icebo kuli imwe ukucetekela Cena.**

[8]

Bonse abana baume na bana banakashi bakwa Lesa batungululwa na Mupashi wakwa Lesa. **Benshiwa na Mupashi**, abaibela, abakupapusha. **Bena bekala abalungama, kabili imicitile yonse yaba na Baibele.** Bena balekala, isambilisho lyabo lyonse yaba fye na Baibele. Bena teti bapusane pa cintu cimo. **Uko Baibele isosa cena, bena benda fye muli cena.** Nga baleka pali miniti, bena baleesha ukubelenga no kumona ni nshila nshi iya kuyako; **kabili lyena Mupashi wa Mushilo alasokolola cena**, kabili ena aleenda ukutwalilila. Kabili ena alacita icintu cimo cine, **ukukonka amafunde yamo yene**, alabika umufula umo wine, Lesa umo wine alesa pali wene, kabili ifipapwa fimo fine, kabili ifipesha amano fimo fine, kabili ifishibilo fimo fine fila mukonka ena, ifyo ifyakonkele Wene.

Lesali no kupokelela ico mulemupela, lelo Lesa alefwaya onse imwe. Ena alefwaya iciputulwa conse icenu. Ena alefwaya fyonse. Ena alefwaya fyonse ifyo

mwaba. Ena alefwaya ubumi bwenu. Ena alefwaya ubunte bwenu. Ena alefwaya miniti ili yonse mwikala. Ena alefwaya imwe ukwikala umwalungama, ukubomba ifyalungama, ukucita ifyalungama. **Ena alefwaya ifili fyonse ukupelwa kuli Wene, pakutila Ena e ngatungulula imwe, no kulangisha imwe, no kubika imwe mu ncende umo Ena alefwaya imwe ukuyako, ukutungululwa na Mupashi.** [9]

Kasebanya aba icuni ica cenjelesha nganshi. Wene aliishiba ifyakuuma icintu ilyo tacilatendeka; Ena aliishiba cena. Mwamona? **Kabili icintu fye ceka ico mukatala ukucita uku muuma, caba ukushintilila pali Kristu no kuipetamika mwebene no kuleka Wene ukutungulula imwe. Imwe tamwakatale cicita inshila imbi iyashala.**

Amaka yenu aya masambililo tayakatale cicita cena. **Imwe mulingile ukucetekela cena no kushintilila fye pali Wene.** Ena ni kacema (*Abahebere 13:20-21*). Cena te mulimo wa mpaanga ukutamfya umumbulu; caba mulimo wakwa Kacema; **lelo impaanga shilingile ukwikala na Kacema pakutila shingaba ishacingililwa. Ilya e ncende yandi iya Kucingilwamo, yaba muli Kristu, kabili Kristu e Cebo. Ilya encende ya Kucingililwamo.** [10]

Mupashi wa Mushilo ali no kutungula ifwe, te seminary, te ba bishop na bakangalila, kabili na bambipo. **Mupahi wa Mushilo e Ntungulushi yesu (Yohane 16:13).** [11]

Nibanga abengebukisha ilyo kasesema umusuma, Samuele, ilyo Israele onse alefwaya ukuba nge sonde? 1 Samuele 8:1-22). Bushe muleibukisha cilya. Kabili kasesema alibebela, atile, na mulufyanya!” Lelo balefwaya ukubomba nga abena Pelishite, kabili nga

abashala muli bena. Cisuma, cilya ni filya fine ico icacitike muli ulu lukuta lwa kubalilapo. **Cena ceni ukutila abantu tabafwaya Lesa ukubatungulula bafwaya umwaume umo.** Israele, bapangile icilubo icikalamba nganshi batalile ukupanga, ilyo ukusenamina kwalibapele kale kasesema **katungulula**, kwabapele umwana wa mpaanga nge cikonsolwelo, kabili abapele icakulya ukufuma ku mulu, kabili na fyonse ifintu ifisuma ifyo ukusenamina kwa bapele; **kabili nalyo line mu Kufuma 19 balefwaya amalango.** Bena balefwaya ukupanga ba Doctor ba fya bulesa, no kukwata umwaume umo, bena balefwaya ukukwata icintu cimo icakucita Cena, nabo. **Umuntu afwaya ukucimfya Kalenga wine uyo uwa mulengele, kabili tacita kantu kano ukuiipaya umwine.**

Lelo nomba lolekesheni kuli Isreale, bali mwene ifipesha amano. Balya bali niba Pentescost abakubalilapo: Israele, ba Pentecost ba bulyo bushiku. Nomba, Bena bali letelwe ukufuma mu Egupti. Lesa alibapalile, alibapele imisngo yonse ya fishibilo fyonse ifikalamba ne fipapwa, no kubapokolola.

Nangula panono tabacetekele ukutila icalo ca bulayo cali imyaka amakumi yane kuntanshi yabo. Cali fye nalimo ba mailoshi amakakumi yane. Lelo cabasendele imyaka amakumi yane ukusenda ba mailoshi bane ni **pa mulandu basalile icintu icalubana.** Bena basalile ukukwata amalango mucifulo icakukwata Mupashi wa Mushilo ukubatungulula. **Ntumba ya Mulilo ukubasenda ukubatwala (Ukufuma 13:21) no ku batungulula (1 Abena Korinti 10:1-5).** Bena balefwaya icakucitapo pa lwabo; bena balefwaya ukukwata ba shima pepo bamo, kabili na bashimucindikwa bamo, kabili na masambililo

ayanono ayo benga kansanapo, mucifulo icakutwalilila fye **no kuleka Mupashi wa Mushilo ukubatungulula**. Bena bali mu Mupashi; Lesa alibapele ifintu fyonse; lelo bena bali kwete icakucitapo muli cena. [12]

Nomba, ine teti ntemwe Kristu **mpaka intanshi natemwa abantu Bakwe**. Mwamona? Ningile ukutemwa abantu Bakwe. **E ico nga natemwa abantu Bakwe, lyena nalitemwa Wene**. Kabili lyena, ndefwaya ukuba ngefyo Ena acitile. Ndefwaya ukulenga amapange yandi nga mapange ayo Ena akwete; **kabili cilya lyonse cali ukucita icisuma, ukwafwilisha umo**.

Nomba, ukusosa ninkwata ukutungululwa ukuya kuli imo ya ishi ncende, nshishiba, lelo ndomfwa ukutula cilingile caba ukubyala imbuto ku cifulo cimo, ukucita icili conse ico ningacita ica Bufumu. [13]

Ndetontonkanya ukutula Baibele itila intampulo sha mulungami shitungululwa na Yehoba (*Amalumbo 37:23*). Nomba, ifwe tulacita ifintu ifyo ifishicita...tatwiluka umulandu tucitila cena, lelo tulekala fye shilili. **Ilyo lyonse ilyo muletungululwa na Mupashi, kabiyeeni ciciteni ifyo fine**. Kuti caba icapusana ku matontonkanyo yesu, lelo ilyo Mupashi wa Mushilo wasosele, “Kabiye,” ifwe tulaya. [14]

Nomba ndefwaya ukusosa ukutula nalicetekela mu butungulushi. Lelo te butungulushi bwa bantu nacetekelamo. Nalicetekela mu butungulushi bwa Mupashi wa Mushilo ukwisa ukupitila mu Cebo. Nalicetekela nacimbi, ukutula Lesa alibika abaume mu lukuta, abo abapelwa ifya bupe na Mupashi wa Mushilo (*Abena Efese 4:11-13*); kabili bakabika ulukuta mu butantinko. Ndecetekela cilya. Ndecetekela nakabili ukutula ulukuta lulatungulwa na baume abo

Lesa atuma mu kutungulula. Lelo kulyo kuteka ne Cebo, pakutila te baume mucine abaleteka lelo Umupashi wa kwa Lesa. **Pantu Icebo no Mupashi baba cimo** (*Abahebere 13:7*). ^[15]

Paulo ali umufungwa kuli Yesu Kristu, **uwakakwa ku Cebo Cakwe ku Mupashi**. Owe, nalitemwa cilya. Ena alikakilwe. Ena alikakilwe no munyololo, ku ntambo sha kutemwa ku kucita ubufwayo bwakwa Lesa kabili bulya fye weka. Ena li umufungwa (*Abena Efese 3:1-6*). **Ena ali muntambo sha kutemwa. Ena ali mwikoli pamo na Kristu**. Ena tekuti abe mwi koli ne cintu cimbi. Ena ali mwikoli na Wene, **kabili konse uko ukutungulula kwaile, kulya eko ena aile**, te mulandu ifyo inshila ya moneke bwino ulu lubali atemwa lulya lubali; ena aile uko Katungulula ne koli fyaile.

Owe, nga ifwe nga Branham Tabernacle kuti twaba fye abafungwa ku buntu bwesu fwebene bwa kuitemwa, ku mapange yesu fwebene, **ukutila tulingile ukuitula fwebene no kuba mwikoli kuli Wene**. Te mulandu ifyo isonde ilyashala iletontonkanya, ifyo isonde ilyashala licita, ifwe twaba mwi koli ne fikakilo fya kutemwa; tuli bafungwa. Inkasa shandi shili mwikoli nganshi kuli Kristu, tekuti shishane; amenso yandi yaba mwikoli nganshi na Kristu mpaka ilyo namona aba abapya bacenda bwamba mu musebo, cilapilibula umutwe wandi; umutima wandi uuli mwikoli nganshi na Wene mpaka teti nkware ukutemwa ili sonde nakabili. Ubufwayo bwandi buli mwikoli nganshi na Wene mpaka shishiba ifyo amapange yandi yali, kano fye konse uko muletungulula, ndi no kukonka, Shikulu. Ndi no kuba umufungwa (*Abene Efese 3:1; Abena Efese 4:1; Filemoni 8-9*). ^[4]

Shilecetekela ukutula umubomfi uli onse uwa kwa Lesa, uletungululwa na Mupashi, enga fuma mubufwayo bwakwa Lesa. Pa mulandu ilyo lyonse ilyo ena aletungululwa no Mupashi, bulya bufwayo bwakwa Lesa. Inshita shimo ena alacita ifintu ifyo ena teshiba no kwishiba ifyo ena alecita umwine kabili teshiba umulandu ena acitila cena, lelo ni Lesa ukubomba cena ku busuma. “Ifintu fyonse fibombela capamo ku busuma kuli abo abatemwa Lesa”, e fyo amalemba yasosa (*Abena Roma 8:28*). ^[16]

Mwe fibusa abatemwikwa. Naliesha, mu bumi bwandi bonse, ukuba icintu cimbi kano ukubepa. Naliesha ukuba uwa cishinka imibombebele yandi na Lesa kabili no muntu munandi. Kabili naliesha cena, cila nshita, ukwenda no kucita nge fyo Mupashi wa Mushilo enga njeba. Ulya e mulandu wine nalienda ukufuma ku ncende ukuya ku ncende, no kukanya ukulongana, kabili ukuya ku ncende shimbi, **pa mulandu ndakonka ubutungulushi bwa Mupashi.** ^[17]

Umwakumona:

- [1] “Ubutungulushi” (65-1207), par. 285,289
- [2] “Bushe Ubumi Bobe Nabuyana ne Mbila Nsuma” (63-0630E), par. 76
- [3] “Ifishininkisho Fisano Ifya Cishinka Ifya Lukuta Ulwa Cine” (60-0911E), par. 184
- [4] “Paul, Umufungwa Wakwa Yesu Kristu” (63-0717), par. 96-103,108
- [5] “Tulangeni Shifwe” (63-0606), par. E-6
- [6] “Ukushininwa no Kuposako Amano” (62-0610E), pg. 7
- [7] “Imfumu Iya Kanwa” (60-0610), par. E-53
- [8] “Ni Mukutula Kwa Kasuba” (65-0418M), Pg. 29

- [9] “Ifishinka Ifituntulu Ifishifilwa Ifya Kwa Lesa Uwa Mweo”(60-0626), par. 173, 185
- [10] “Ukufuma Kwa Citatu” (63-0630M), par. 213-214
- [11] “Amaka Yakwa Lesa Ayasangula”(65-0911), par. 177
- [12] “Inshita Ya Lukuta Lwa Sumuna”(60-1206), par. 31-32, 59
- [13] “Ukufumyapo Ukutitikishiwa” (62-0513E), par. 28-29, 16
- [14] “Uwa Pulamo Ukucila Solomoni Ali Pano” (62-0725), par. E-57
- [15] “Inshita Ya Lukuta Lwa Efese,” Church Age Book Pg. 93
- [16] “Na Mfumu Waku Sheba”(60-0710), par. E-41
- [17] “Icibwato” (55-0522), par. 186